

oboljenja u kontekstu integrisanog javnog zdravstvenog pristupa. Razvit ćemo inovativne strategije finansiranja i mobilizirati dodatne resurse za okončanje epidemije AIDS-a do 2030. godine.

7. Ujedinite se kao vođe

Obavezujemo se da ćemo razviti akcioni plan za naš grad koji će pratiti fast-track, prihvatiti transparentnu upotrebu podataka kako bismo se smatrali odgovornim i kako bi se pridružili mreži gradova koji učestvuju u izradi Pariške Deklaracije. Radeći uz konsultacije sa svima koji su zainteresovani, redovno ćemo mjeriti svoje rezultate i prilagođavati odgovore da budu brži, pametniji i efikasniji. Podržavat ćemo druge gradove i dijeliti naša iskustva, saznanja i podatke o tome šta ima efekta i šta se može poboljšati. Na godišnjoj bazi podnositi ćemo izvještaje o svojim programima.

Gradonačelnik

Na osnovu člana 4. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", br. 12/03, 34/03 i 65/13), člana 38. Statuta Grada Sarajeva (Službene novine Kantona Sarajevo", broj 34/08 - prečišćeni tekst) i člana 9. Odluke o osnivanju Javne ustanove "Muzej savremene umjetnosti ARS

AEVI Sarajevo" ("Službene novine Kantona Sarajevo", broj 49/17), a u vezi sa članom 34. Zakona o ustanovama ("Službeni list R BiH, br. 6/92, 8/93 i 13/94), Gradonačelnik donosi

ODLUKU

O IMENOVANJU ČLANOVA NADZORNOG ODBORA JAVNE USTANOVE "MUZEJ SAVREMENE UMJETNOSTI ARS AEVI SARAJEVO"

I

Za članove Nadzornog odbora Javne ustanove "Muzej savremene umjetnosti ARS AEVI Sarajevo", na period od 4 (četiri) godine imenuju se:

- Maja Hadžihalilović,
- Anisa Zijadić,
- Halima Livnjak.

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 01/04-34-5502-4/19
18. novembra 2019. godine
Sarajevo

Gradonačelnik
Mr. Abdulah Skaka, s. r.

OPĆINA CENTAR SARAJEVO

Općinsko vijeće

Na osnovu članova 25. stav 7, člana 32. stav 3 i člana 39. stav 2 Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 46. redovnoj sjednici održanoj dana 28.11.2019. godine, donijelo

ODLUKU

O USVAJANJU IZMJENA I DOPUNA REGULACIONOG PLANA GRADSKI CENTAR MARIJIN DVOR" - II FAZA

- PARKING PROSTOR IZMEĐU ULICA DOLINA I MAGRIBIJA -

Član 1.

Usvaja se Izmjena i dopuna Regulacionog plana Gradski centar "Marijin Dvor" - II faza - Parking prostor između ulica Dolina i Magribija (u daljem tekstu: Plan)

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenje građevinske parcele sa urbanističko-tehničkim uvjetima za izgradnju objekta sa saobraćajnom i komunalnom infrastrukturom u granicama Plana.

- Odluku o provođenju Plana.

Grafički dio sadrži:

- Urbanizam sa Idejnim rješenjima komunalne infrastrukture prezentiran na odgovarajućem broju tematskih karata i analitičkom obradom građevinske parcele.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Centar - Služba za urbanizam i zaštitu okoliša i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 01-23-8203/19
28. novembra 2019. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 04.12.2019. godine.

Na osnovu članova 25. stav 7, člana 32. stav 3 i člana 39. stav 2 Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 46. redovnoj sjednici održanoj dana 28.11.2019. godine, donijelo

ODLUKU

O PROVOĐENJU IZMJENA I DOPUNA REGULACIONOG PLANA GRADSKI CENTAR "MARIJIN DVOR" - II FAZA

- PARKING PROSTOR IZMEĐU ULICA DOLINA I MAGRIBIJA -

Član 1.

Ovom Odlukom utvrđuje se provođenje Izmjena i dopuna Regulacionog plana Gradski centar "Marijin Dvor" - II faza - Parking prostor između ulica Dolina i Magribija (u daljem tekstu Plan), zatim granice izmjene i dopune, urbanističko tehnički uslovi za prostorne intervencije koje se odnose na izgradnju parking prostora na dva nivoa, uslove za uređenje građevinskog zemljišta, te odnosi prema postojećim objektima.

Član 2.

Granica obuhvata parcelu broj k.č. 843/3 K.O. Sarajevo VII, Općina Centar.

Površina obuhvata iznosi P= 0,24 ha.

Član 3.

Područje koje razmatra Izmjena i dopuna Plana zauzima sjeverni dio kvadranta "D" površine 0,24 ha.

Član 4.

Urbanističko-tehnički uvjeti za izgradnju parking prostora na dva nivoa su:

- Na građevinskoj parceli može se graditi novi parking prostora.
- Građevinska parcela utvrđena je regulacionom linijom i definisana je u grafičkom dijelu Plana.
- Građevinska linija utvrđuje dio građevinske parcele na kojoj je moguće izgraditi građevinu. Građevinskom linijom je utvrđena udaljenost objekta od regulacione linije. Građevinska linija ne može prelaziti regulacionu liniju. Unutar građevinskih linija investitor je slobodan da definiše tlocrt građevine u ovisnosti od potreba i želja. Kod realizacije planiranog objekta voditi računa da se ne ugrozi stabilnost objekata na susjednim parcelama.
- Uslovi za izgradnju građevina dati su u grafičkim prilogima br. 6. i br. 8. koji se moraju ispoštovati i to: regulaciona linija i građevinska linija
- Maksimalna tlocrtna površina objekta (na koti 537,20) - 664 m²
- Maksimalna BGP objekta - 1.155 m²
- Kolski pristup (ulaz-izlaz) donjem nivou parkinga planiran je sa zapadne strane, iz ulice Dolina kako je prikazano u grafičkim prilogima br. 6. i br. 8. i broj 9., a na gornji nivo ulaz i izlaz je obezbjeđen sa istočne strane, odnosno iz ulice Magribija. Donji nivo parkinga je spušten za cca 70 cm u odnosu na kotu pločnika, kako bi se dobila dovoljna svijetla visina istog.
- Pješački, gornji i donji nivo parkinga povezati otvorenim stepeništem, kojem se sa gornjeg nivoa pristupa iz ulice Magribija, a sa donjeg, novoformiranom pješačkom stazom uz objekat.
- Obzirom da je ulica Magribija važećim regulacionim planom predviđena kao pješačka, ovom izmjenom se predlaže da se ista mora planirati u posebnom režimu saobraćaja sa ograničavanjem brzine vozilima. Također, planirano je proširenje pješačke saobraćajnice- Ulice Magribija i to cijelom dužinom u predmetnoj parceli.
- Parking prostor treba projektovati prema najboljim raspoloživim tehničkim rješenjima vezano za zakonske odredbe i usmjerenja iz oblasti zaštite sredine (Pravilnik o programima i postrojenjima koji mogu biti izgrađeni i pušteni u rad ako imaju okolinsku dozvolu) kako bi se spriječili negativni uticaji na neposredno okruženje.
- Arhitektonska građevina mora biti oblikovana i građena od savremenih materijala, koji nisu lako zapaljivi i nisu prenosnici požara.
- Prije izdavanja građevinske dozvole za izgradnju građevine potrebno je pribaviti geoinžinjerske nalaze i uvjete fundiranja od nadležnih Institucija, a statički proračun građevine mora se dimenzionirati za zaštitu od potresa jačine najmanje 8 stepeni MCS.
- Nivelete pješačkih saobraćajnica, kao i prilazi i ulazi u građevinu moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje

invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

- Ispoštovati propise o preglednosti na svim saobraćajnicama i rampama, a posebno u zonama priključaka na postojeću saobraćajnicu
- Priključak na saobraćajnicu i mrežu komunalne infrastrukture treba projektovati u skladu sa Planom (važećim tehničkim normativima) na osnovu faza komunalne infrastrukture koje su sastavni dio Plana.
- Planom je potrebno usaglasiti idejna rješenja saobraćajne i komunalne infrastrukture sa Regulacionim planom Gradski centar "Marijin Dvor" - II faza.
- Izrada Izmjene i dopune Plana mora obuhvatiti i izradu Idejnih rješenja komunalne infrastrukture koja trebaju biti usklađena sa rješenjima iz važećeg Plana

Član 5.

- Uređenje građevinskog zemljišta se mora izvesti u obimu i na način kako je to predviđeno Planom.
- Izgradnja građevine se ne može započeti bez prethodnog minimalnog uređenja građevinskog zemljišta što podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.
- Privremeno korištenje građevinskog zemljišta koje nije privedeno krajnjoj namjeni se ne može odobriti.
- Izgradnja objekata privremenog karaktera može se odobriti isključivo za potrebe gradilišta i isti se moraju ukloniti prije podnošenja zahtjeva za tehnički prijem građevine.

Član 6.

- Projekat parking prostora, treba da sadrži i Idejni/Izvedbeni projekat vanjskog uređenja sa hortikulturom, a kod uređenja ove površine, akcenat treba da bude na adekvatnom odabiru i dispoziciji elemenata urbanog mobilijara (popločanje, korppe, rasvjeta...). Tehnički prijem građevine podrazumijeva i prijem izvedbenih radova na vanjskom uređenju sa hortikulturom.

Član 7.

Uvjeti za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 8.

Ova Odluka stupa na snagu narednog dana od dana objavljivanja na Oglasnoj ploči Općine Centar, a naknadno će biti objavljena u "Službenim novinama Kantona Sarajevo".


Broj 01-23-8204/19
28. novembra 2019. godine
Sarajevo

Predsjedavajuća
Općinskog vijeća
Karolina Karačić, s. r.

Ova Odluka je objavljena na oglasnoj ploči Općine Centar dana 04.12.2019. godine.

KOLSKI SAOBRAĆAJ

Napomena: Predstavljena grafička šrafura, simboli zalerila, punktovi za odmor slaza i dr. ne predstavljaju stvarna pozicija, već samo šematski prikaz. Kroz izradu identifikativnih projekata Vanjskog uređenja sa hortikulturnim predstavljačima se tačna pozicija svih elemenata, prema potrebama i datim uslovima terena.



ZAVOD ZA PLANIRANJE RAZVOJA KANTONA SARAJEVO

NARUČILAC: OPĆINA CENTAR		ODGOVORNI PLANER: AZRA K. TANKOVIĆ, Mr.dig.ing.arh.	
ELABORAT: IZMJENA I DOPUNA R.P. GRADSKI CENTAR "MARULIN DVOR" II FAZA			
FAZA:	URBANIZAM	SARADNICI:	
MAŠTERLO:	1 : 1000		
POSREDOVAČ:	PLANIRANO STANJE - RAZMJESTA SPRATNOST I NAMENA ARHITEKTONSKIH OBJEKATA		
PROJEKCIJSKI DOKUMENT ZA DETALJNI PLANIRANJE DOKUMENTACIJE EDIN. IZMJENAČIĆ, Mr.dig.ing.arh.			
VELLIŠTA	DATUM:	LIST BROJ:	
600 x 300	misl. 2019.g.	6.	